

öðlast gildi, skulu víkja úr stöðum sínum 1. janúar 1935, eða gangi lögin síðar **27**  
í gildi, þá 1. dag næsta mánaðar eftir að lögin öðlast gildi. 9. jan.

Eftir þessu eiga allir hlutaðeigendur sér að hegða.

*Gjört á Amaliuborg, 9. janúar 1935.*

Undir Vor konunglega hönd og innsigli.

**Christian R.**  
(L. S.)

*Hermann Jónasson.*

## L Ö G

um bráðabirgðabreyting nokkurra laga.

**28**  
9. jan.

Vér Christian hinn Tíundi, af guðs náð konungur Íslands og Danmerkur,  
Vinda og Gauta, hertogi í Slésvík, Holtsetalandi, Stórmæri, Þéttmerski,  
Láenberg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau  
með samþykki Voru:

### 1. gr.

1. Framkvæmd laga nr. 50 10. nóv. 1913, um að landssjóður leggi Landsbankanum til 100 þúsund krónur á ári í næstu 20 ár, er frestað til ársloka 1935.
2. Tekjur eftir lögum nr. 56 31. maí 1924, um skemmtanaskatt og þjóðleikhús, renna í rikissjóð til ársloka 1935.
3. Tekjur eftir lögum nr. 58 8. sept. 1931, um einkasölu á tóbaki, skulu renna í rikissjóð til ársloka 1935.
4. Framkvæmd 2. og 3. gr. laga nr. 45 10. nóv. 1913, um bjargráðasjóð Íslands, er frestað til ársloka 1935.
5. Kennslueftirlit það, sem ræðir um í 6.—8. gr. laga nr. 35 19. maí 1930, fellur burt til ársloka 1935.
6. Framkvæmd c-liðar í 8. gr. laga nr. 84 6. júlí 1932, um bifreiðaskatt o. fl., er frestað til ársloka 1935.

- 28 7. Ríkisstjórninni er heimilt að fresta til ársloka 1935 framlögum samkv.  
9. jan. 5. gr. laga nr. 34 19. júní 1933, um breyting á lögum nr. 84 6. júlí 1932, um  
bifreiðaskatt o. fl., til þeirra kaupstaða og verzlunarstaða, sem ekki leggja til-  
skilinn hluta á móti ríkisframlaginu og framkvæma ekki malbikun á árinu  
1935.

## 2. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

*Gjört á Amaliuborg, 9. janúar 1935.*

Undir Vor konunglega hönd og innsigli.

**Christian R.**

(L. S.)

*Eysteinn Jónsson.*

29

## L Ö G

9. jan. um eftirlit með sjóðum, er fengið hafa konungsstaðfestingu á skipulagsskrá.

Vér Christian hinn Tíundi, af guðs náð konungur Íslands og Danmerkur,  
Vinda og Gauta, hertogi í Slésvík, Holtsetalandi, Stórmæri, Þéttmerski,  
Láenberg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau  
með samþykki Voru:

## 1. gr.

Sameinað Alþingi kys með hlutfallskosningu, til 5 ára í senn, þrjá menn,  
er hafa skulu eftirlit með og halda skrá yfir þá sjóði í landinu, sem stofnaðir  
eru og hafa hlotið staðfestingu konungs á skipulagsskrá sinni. Afrit af skránni  
skulu þeir leggja fyrir hvert reglulegt Alþingi.

## 2. gr.

Stjórn þessara sjóða skal senda hinum þingkosnu eftirlitsmönnum, áður  
en missiri er liðið frá lokum reikningsárs sjóðs hvers, reikning sjóðsins fyrir  
síðastliðið reikningsár. Geta eftirlitsmenn þó krafizt fyllri skýrslna um allan